



Bosnia and Herzegovina
Federation of Bosnia and Herzegovina

CANTON SARAJEVO
Ministry for Education, Science and Youth

Broj: 11/03-34-24043-6/20
Sarajevo, 18.09.2020. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, br. 23/03, 34/03 i 65/13), člana 36. Okvirnog zakona o predškolskom odgoju i obrazovanju u Bosni i Hercegovini („Službeni glasnik BiH“, broj: 88/07), čl. 46. i 50. Zakona o predškolskom odgoju i obrazovanju u Kantonu Sarajevo („Službene novine Kantona Sarajevo“, br. 26/08 i 21/09), tačke V Odluke o standardima i kriterijima za nominovanje/imenovanje na poziciju predsjednika i članova Upravnog i Nadzornog odbora Javne ustanove „Djeca Sarajeva“ Sarajevo, čija konačna imenovanja vrši Vlada Kantona Sarajevo („Službene novine Kantona Sarajevo“, broj: 3/11), člana 7. Pravilnika o izboru i imenovanju upravnih i nadzornih odbora predškolskih ustanova Kantona Sarajevo („Službene novine Kantona Sarajevo“, broj: 3/11), ministar za obrazovanje, nauku i mlade Kantona Sarajevo objavljuje

JAVNI POZIV
za izbor i imenovanje predsjednika i članova Upravnog i
Nadzornog odbora Javne ustanove „Djeca Sarajeva“ Sarajevo

I

U Upravni odbor Javne ustanove „Djeca Sarajeva“ Sarajevo (u daljem tekstu: Ustanova), biraju se:

- | | |
|--|----------------------|
| 1. Predstavnik Ministarstva za obrazovanje, nauku i mlade Kantona Sarajevo (u daljem tekstu: Ministarstvo) | 1 član – predsjednik |
| 2. Predstavnik roditelja/ staratelja | 2 člana |
| 3. Predstavnik radnika Ustanove | 2 člana |

U Nadzorni odbor Ustanove, biraju se:

- | | |
|--|----------------------|
| 1. Predstavnik Ministarstva | 1 član - predsjednik |
| 2. Predstavnik općine u kojoj je sjedište Ustanove | 1 član |
| 3. Predstavnik stručnih radnika | 1 član |

II

Upravni odbor Ustanove, pored poslova utvrđenih zakonom, obavlja i sljedeće poslove:

donosi pravila ustanove, imenuje i razrješava direktora, donosi planove rada i razvoja, donosi godišnji program rada, donosi finansijski plan i usvaja godišnji obračun, donosi opći akt o unutrašnjoj organizaciji i sistematizaciji poslova i druge opće akte, u skladu sa zakonom i pravilima



web: <http://www.mon.ks.gov.ba>

e-mail: mon@mon.ks.gov.ba;

Tel: + 387 (0) 33 562-128

Fax: + 387 (0) 33 562-218

Sarajevo, Reisa Džemaludina Čauševića 1



ustanove, odlučuje o svim pitanjima obavljanja djelatnosti radi kojih je ustanova osnovana, usmjerava, kontrolira i ocjenjuje rad direktora, rješava sva pitanja odnosa sa osnivačem, odlučuje o korištenju sredstava preko iznosa utvrđenog pravilima ustanove, odgovara osnivaču za rezultate rada ustanove, donosi odluku o raspisivanju konkursa za izbor zaposlenika, odlučuje o žalbama po konkursu, odlučuje o prigovoru zaposlenika na rješenje o pravu, obavezi i odgovornosti zaposlenika iz radnog odnosa, podnosi osnivaču najmanje jedanput godišnje izvještaj o poslovanju ustanove, razmatra plan upisa djece, razmatra rezultate predškolskog odgoja i obrazovanja, odlučuje o prigovoru roditelja na rad i odnos zaposlenika prema djeci, obavlja druge poslove u skladu sa zakonom i pravilima predškolske ustanove.

Nadzorni odbor Ustanove, pored poslova utvrđenih zakonom, obavlja i slijedeće poslove:

vrši kontrolu finansijsko - materijalnog poslovanja ustanove, analizira izvještaje o poslovanju ustanove, obavlja nadzor nad upotrebom sredstava za rad, pregleda godišnji izvještaj o poslovanju i godišnji obračun, pregleda i provjerava urednost i zakonitost vođenja poslovnih knjiga, izvještava osnivača/Ministarstvo za obrazovanje, nauku i mlade Kantona Sarajevo, upravni odbor i direktora o rezultatima nadzora.

III

Za predsjednika i člana Upravnog odbora/Nadzornog odbora u Ustanovi može biti nominovan/imenovan kandidat koji ispunjava slijedeće opće uslove:

- a) da je stariji od 18 godina;
- b) da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine od dana objavljivanja upražnjene pozicije;
- c) da se na tog kandidata ne odnosi član IX 1. Ustava Bosne i Hercegovine;
- d) da nije osuđivan za krivično djelo i za privredni prestup nespojiv sa dužnošću u Upravnom odboru i Nadzornom odboru Ustanove;
- e) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine „Službeni glasnik BiH“, br. 16/02, 14/03, 12/04, 63/08 i 18/12).

Pored navedenih općih uslova, kandidat koji se nominuje/imenuje za poziciju predsjednika i člana Upravnog odbora/Nadzornog odbora Ustanove treba da ispunjava i slijedeće posebne uslove:

- a) da posjeduje univerzitetsku diplomu i najmanje 5 (pet) godina radnog staža u struci;
- b) da nema privatni finansijski interes u Ustanovi u čiji se Upravni ili Nadzorni odbor imenuje;
- c) da nije direktor odnosno pomoćnik direktora predškolske ustanove;
- d) da ima status radnika/stručnog radnika u Ustanovi odnosno status roditelja/staratelja djece korisnika usluga Ustanove (za članove - predstavnike tih struktura) osim člana Upravnog i Nadzornog odbora Ustanove koji je predložen od strane resornog ministarstva,
- e) da nije član više od jednog upravnog ili nadzornog odbora.

IV

Predsjednika i članove Upravnog i Nadzornog odbora Ustanove imenuje Vlada Kantona Sarajevo i to na način što će se primijeniti kriteriji da se od kandidata koji su se prijavili na oglas:

- prijave kandidata predstavnika roditelja prosljeđuju se Vijeću roditelja Ustanove, a prijave kandidata predstavnika stručnih radnika/radnika Ustanove prosljeđuju se Stručnom vijeću odgajatelja,



web: <http://www.mon.ks.gov.ba>

e-mail: mon@mon.ks.gov.ba

Tel: + 387 (0) 33 562-128, Fax: + 387 (0) 33 562-218

Sarajevo, Reisa Džemaludina Čauševića 1



- prijave kandidata za predsjednika upravnog/nadzornog odbora predškolske ustanove kao javne ustanove prosljeđuju se Ministarstvu,
- prijave kandidata predstavnika lokalne zajednice prosljeđuju se načelniku općine na čijem području je sjedište Ustanove (Općina Centar Sarajevo).

Prije intervjua kandidat je dužan dostaviti podatke o ranijim neposrednim rukovodiocima od kojih se mogu dobiti preporuke i informacije o kandidatu i popuniti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja.

Navedene strukture su obavezne da obave intervju sa svim kandidatima koji ispunjavaju uslove iz Javnog poziva.

U postupku izbora, navedene strukture su obavezne primjenjivati kriterije koje je utvrdila Komisija.

Sve informacije o toku postupka kandidovanja su transparentne, osim ako informacije o podnosiocima prijave nisu povjerljive u smislu Zakona o zaštiti ličnih podataka („Službeni glasnik BiH“, br. 49/06, 76/11 i 89/11).

Kandidati koje nakon intervjua predlože strukture, koji kandiduju članove Upravnog i Nadzornog odbora, smatrat će se da su najuspješnije prošli otvorenu konkurenciju, a Vlada Kantona Sarajevo osigurat će da se izvrše i javno objave konačna imenovanja na pozicije u Upravnom i Nadzornom odboru.

Bilo koji kandidat ili bilo koja druga osoba, može podnijeti prigovor na konačno imenovanje, ako postoje dokazi da u procesu imenovanja nisu ispoštovani principi ili postupci utvrđeni Zakonom. Prigovor se podnosi istovremeno Vladi Kantona Sarajevo i Ombudsmenu Bosne i Hercegovine.

V

Prijavljivanje se vrši putem prijavnog obrasca koji se može preuzeti u šalter sali Kantona Sarajevo (Reisa Džemaludina Čauševića 1, Sarajevo) ili sa internet-stranice Ministarstva za obrazovanje, nauku i mlade Kantona Sarajevo <http://www.mon.ks.gov.ba>, kao i Obrazac izjave za pitanja o eventualnom postojanju sukoba interesa.

Uz prijavni obrazac, kandidat treba priložiti:

1. biografiju,
2. univerzitetsku diplomu;
3. uvjerenje o državljanstvu (**ne starije od 6 mjeseci**);
4. potvrdu/uvjerenje o radnom stažu u struci (potpisanu i ovjerenu od strane poslodavca);
5. potvrdu/uvjerenje o statusu radnika/stručnog radnika odnosno roditelja/staratelja djece korisnika usluga Javne ustanove „Djeca Sarajeva“ Sarajevo (za kandidate predstavnike radnika/stručnog radnika odnosno roditelja/staratelja);
6. potpisanu i ovjerenu izjavu od strane nadležne općinske službe da nema status radnika/stručnog radnika u Ustanovi odnosno status roditelja/staratelja djece korisnika usluga Ustanove za kandidata predstavnika Ministarstva za obrazovanje, nauku i mlade Kantona Sarajevo;
7. potpisanu i ovjerenu izjavu od strane nadležne općinske službe kojom kandidat potvrđuje slijedeće:
 - da se na kandidata ne odnosi član IX 1. Ustava BiH;
 - da nije osuđivan za krivično djelo i privredni prestup nespojiv sa dužnošću u Upravnom ili Nadzornom odboru Ustanove;
 - da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u instituciji vlasti Bosne i Hercegovine („Službeni glasnik BiH“, br. 16/02, 14/03, 12/04, 63/08 i 18/12);



- da nije otpuštan iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine od dana objavljivanja Javnog poziva;
 - da nema privatni finansijski interes u javnoj ustanovi u čiji se upravni ili nadzorni odbor kandiduje,
 - da nije direktor odnosno pomoćnik direktora predškolske ustanove,
 - da nije član više od jednog upravnog ili nadzornog odbora bilo kojeg pravnog lica (privredna društva, agencije, udruženja, fondovi i sl.).
8. Izjavu koju je potrebno potpisati i ovjeriti kod nadležnog općinskog organa i obrazac za pitanja o sukobu interesa (**može se preuzeti na internet stranici Ministarstva ili šalter sali Kantona Sarajevo**).

Sve dokumente potrebno je priložiti u originalu ili fotokopiji ovjerenoj kod nadležne općinske službe.

Dokumentacija dostavljena na Javni poziv se ne vraća.

Komisija zadržava pravo da ostale dokaze u vezi sa datom Izjavom zatraži naknadno i ukoliko aplikant u roku od najkasnije 15 dana od dana traženja dokaza iste ne dostavi, smatrat će se da nije dostavio potpunu dokumentaciju.

Poziv će biti objavljen u dnevnom listu „Dnevni avaz“ i „Službenim novinama Federacije Bosne i Hercegovine“.

Oglas ostaje otvoren petnaest (15) dana od dana posljednjeg javnog objavljivanja.

Prijavu sa cjelokupnom traženom dokumentacijom, sa naznakom: „Prijava na Javni poziv za izbor i imenovanje predsjednika i članova Upravnog i Nadzornog odbora Javne ustanove „Djeca Sarajeva“ Sarajevo, čija konačna imenovanja vrši Vlada Kantona Sarajevo - ne otvarati, otvara Komisija“ kandidat treba dostaviti lično ili poštom preporučeno, na slijedeću adresu:

**Ministarstvo za obrazovanje, nauku i mlade Kantona Sarajevo,
Sarajevo, Reisa Džemaludina Čauševića 1.**

Nepotpune i neblagovremene prijave neće biti razmatrane.

Predsjednik i članovi Upravnog i Nadzornog odbora imenuju se na period od 4 godine sa mogućnošću jednog reizbora.

Članovi Upravnog/Nadzornog odbora će svoje dužnosti obavljati na dobrovoljnoj osnovi i bez bilo kojeg vida nadoknade.

Napomena: Tekst Javnog poziva je dostupan i na web stranici: www.mon.ks.gov.ba

**Komisija za izbor i imenovanje predsjednika i članova
Upravnog i Nadzornog odbora Javne ustanove „Djeca Sarajeva“ Sarajevo**

